


堯山藏草引

懼鶴先生以古先生為師義龍  
之角也諸羨龍為其家先生傳  
語心而聽者有肯有不肯乃懼  
鶴先生自傳自語石且聽焉所  
言石肯生公法蓋自命云其遊  
居蜚遯冲齋閑綽無鄰之惟是



片石堪語可語又極玄且卷荷  
根者及不如石多竅悶堯山矣  
潘庚生聞人也採焉比閭丘之  
於石者


許作石聲歌之

衆山皆響暗子治兜玄用列樂  
部大司成廣厲儒林躬藤木  
之役進於國風有憂拊而不

舞者乎鑿金而敷闢聰凡耳並睦  
哀松放而赤應鳴下致足嗜也魯  
山扣瑛鮫人裂衣遽僂騏唳露潛  
虬唵淵不足齊其音之幽以清矣  
若廼夫布行雖短句身無量古  
先生之伽陀惟觀奇聞石爾何  
知聽斯弗學所頌道德聊以屬

聃聃也其止之

萬曆辛丑夏五曆子庚吳淞廬火書  
於燬燬之月窟



堯山藏草卷之一 長干集

黃曲釋僧悅著

樵李馮夢禎閱

古巖潘之恒選

五言古詩

宿五臺精舍留贈開公

珍茲玄徒人嘉遊依空谷初中後夜分坐卧行  
來獨定慧等持心春秋良自牧室中竹篔語階  
下龍虎踞白石靜爲隣青天磬如屋簾風捲寒

雲萬水驚號哭玉礪踐冰雪松杉蕩炎伏大智  
友文殊埋塵混魚目而我陟五頂參尋徧無複  
山月冷颼颼靈臺深穆穆芙蓉削空蒼錦綉敷  
林麓神光攝慈顏天花墮緇服布衲備頭陀金  
環覺一宿寂滅菩提場究竟隨飲啄句此龍門  
居言陳願自復投身一壑中清涼謝煩燠不相  
四方人東西竟馳逐

秋日遊牛首山止宿文殊閣中

遊目空四野逍遙寂譁紛峯巒合沓來江海決

澆分涼颼蕩濁暄翠雨明秋曛石開巖復嶮塔  
涌千流雲飛閣自逶迤絕壁搜氤氳散木發天  
籟聚井搖星文探討澹忘疲佇結幽芬冥心  
契玄寂得意於絕聞所以毘耶城示疾重殷勤  
杜口文殊前而我復何云

五言律詩

金山寺

四岳天漢遠孤刹莽烟中海色收殘日波光續  
斷虹望洋秋水至載月夜流空寂寞江臯上含



長干  
路折千尋入綠源不可窮斷碑磨歲古破寺照  
潭空秋色丹楓外經聲白法中幻將雲去住蹤  
跡竟何同

送歐楨伯二部

淡世久微祿懷歸蘿薜心一樽霜露冷三逕草  
堂深月是初弦夜秋當欲莫陰蛩聲寒咽雨流  
入短長吟

月夜江行

水郭鄉園近漁舟處處逢斷崖陰伏雨極浦夜

藏龍獨宿江心寺孤帆月下鐘天垂河漢淺人  
語隔芙蓉

同崔子玉雪浪恩公月下登慈姥磯

乘月恣清夜孤槎汎客星光流萬里白寒印一  
峯青此夕不重見和歌寧再聽飛揚達真意天  
地復誰醒

宿般若寺

山巒重結秀峴木老秋霜落日青蓮寺西風黃  
葉鄉虛堂明佛火清楚度空香一乞投棲地松

林與世忘

早渡浦口

一葦橫波渡孤城浦口西  
天空微見水海曙忽  
聞鷄淡旭寒濤上輕帆宿霧低  
江程幾萬里何處是端倪

投宿淨居菴

幽意率吾真秋光處處新  
亂山行不盡流水坐相親  
夢屬初中夜燈然寂後身  
石床重覺起松月冷依人

恩公留講一宿菴余慨獨往

落日戀同遊街情兼送秋  
亂山橫暮雨千澗咽  
寒流雲際江南北天涯人去留  
繫珠殘衲下爲我破窮愁

浮山憶遠錄公

舊業想招尋空追谷裏音  
衆峰迴日短孤策八雲深  
白石然燈象青山遠錄心  
洞門烟火夕鐘磬下谿陰

天池寺同觀公作



古木隱招提殘碑歲月迷半龕雲入供一坐鳥  
留啼白日延虛淡青山屬遁栖怡然豁習臆高  
論恣天倪

立秋日姚叙卿郭次甫過集竹下得風字  
涼色近梧桐秋先一葉風天均兆物表日序代  
環中白羽垂仙駕玄言集上公清音竹林外  
吹莫山空

雪浪山中寄義公二首

出門空自望山逕獨行行袖滅三季字身虛兩

臂盟斷郊殘雨過孤壑莫烟生何處中原地高  
天指玉衡

其二

林居自幽密草樹暗垂門忽縱天涯目空懸月  
下魂路疑千歲隔心抱一區存不復君前夢青  
燈獨夜昏

冬至日山中懷融公

清言違日久無計只空懷簷鳥時窺案谿雲忽  
上階雪深入尚遠冬至夢全乖含意中宵立輝

輝月滿齋

除夕示印徒

虛堂淹此夕，臘盡一燈前。  
問影無操據，流光有變遷。  
梅花寒吐雪，竹籟夜鳴泉。  
欲示安心法，忘言旨自玄。

雪浪山中寄懷呂太和

平居掩蕭寂，生事對空林。  
寒日垂簷短，青山入卧深。  
人疑望裏色，書斷雪中音。  
抱一冰霜式，松枝歲臘心。

半秋斷橋看寺轉，深竹聽泉流。  
更憶家山在，藤谿負一丘。

宿萬松菴與汪仲嘉夜談

余將有黃山白岳之遊

問宿山中寺，空堂一磬縣。  
燈搖千歲樹，漏遶六時蓮。  
極宴娛今夕，交深語隔年。  
秋風期獨往，五老共君前。

姑孰道中

落日晚蒼蒼，征人苦夜長。  
秋深姑孰道，月近女蘿墻。  
數息心常反，孤行語自傷。  
因詢石梁下，寒

影對滄浪

憶山中

憶昨辭初地因追定裏身烟霞何自遠風雨獨  
相親卽事秋冬易孤懷日夜新如迷問津處欲  
就耦耕人

雨中投宿山寺

欲投黃葉寺原上問潛夫鳥色衝寒下人烟帶  
雨徂到門雙樹老隔岸一峯孤狼位逃空谷  
然德似符

春日登攝山阻雪

寒飈肅良景野雪曠春游逗石飛泉響衝風散  
木愁竹房朝汲遠松火夜談幽欲辨徵君跡荒  
蕪六代丘

送幻居界公遊五臺二首

應緣知早復悲世豈徒遊一語別鄉縣諸方嗣  
勝流寒沙黑塞雨夜火赤城樓登頓關門雪孤  
雲過嶺頭

其二

遊絲春欲動海氣日邊來月湧芙蓉上霞鋪錦  
綉開清脩惟半偈良牧總群才印法粵殊室聲  
光遍五臺

山居坐夏

開門空色遠落日半規銜聽水涼生簟翻經語  
出函薜蘿踈罄室風雨閉虛巖獨坐山中夏雲  
蒸七佛衫

孫禹錫見過

籃輿忻獨往訪勝白門遊片語良通夕雙林忽

旅者懷恩兄

墟落對斜曛孤蹤旅雁群人烟隔暮雨機杼出  
寒雲問宿青山口聽鷄白夜分燈前懷獨立昨  
日是離君

雨夜泊孤村渚

虛遊天末遠孤渚夜藏舟聽雨他方夢懷人此  
地秋村烟連宿莽木葉下寒流自喻今宵意鄉  
心空去留

汪伯玉司馬龍君御司理汪仲淹仲嘉潘

景升諸文學招入白榆社偕義公赴之  
青山一杖出深負薜蘿情社日蓮花土香雲帝  
子城坐忘肢骨解良悟客塵名自乏禪那行應  
勞上座行

登齊雲巖

長空秋色滿獨步雨中天勝覽諸峯變幽探一  
洞玄香飛金闕鼎鶴馭紫霄烟宴息珠簾外松  
杉閱大年

同白榆社佘宗漢屠長卿徐茂吳龍君善

潘景升仲淹仲嘉義公諸君集汪司馬  
太函館分得無字

高館近天都青樽接白榆岸梅寒映水城雪夜  
啼鳥看劍空悲越聽歌忽調吳寥寥一字下玄  
講入虛無

過蓀谷訪石公二首

一鉢掛蕭然空山老宿年拂衣從汎駕洗足謝  
諸緣秋雨千門樹寒雲百道泉客持心地印深  
入祖師禪

其二

逢好春寒暄支離示疾原石林秋氣早霜葉雨  
聲繁白法稱雙足青山抱獨尊不辭潭上鳥終  
日過柴門

登黃賓王此君閣

為樓占獨勝千載此君名山晚夕陽翠溪寒秋  
夜清虛遊挾層漢玄覽歷孤城坐喜琅玕近空  
窓鳥一聲

藤谿別業為孫禹錫賦

名園丘壑隱水石澹同心亂竹交寒重飛藤結  
歲深窓涵五湖色逕遶一谿陰獨卧秋山靜西  
風啼暮禽

宿白岳榔梅菴

榔梅逢衆衛勝地采真遊錫挂松雲冷燈然洞  
壑幽玉池靈液夜丹井月華秋獨卧天門靜星  
河共一丘

任別駕邀同黃光祿集萬歲山閣得朝字  
天涯秋事晚雨色暗終朝路接雲中樹谿翻竹

卷之二 長字  
下橋登樓談藉塵把燭宴通宵地主黃公在青  
山興自饒

川上園爲程伯藏賦

鶉居川上隱一榻據秋陰印水波紋淨垂檐雨  
氣深夕風吹片體落日抱孤琴達者如斯逝無  
忘歲月心

簡丁明府

山川披郡邑鍾秀領神符仲舉才能並胡威清  
自孤琴堂垂白日車轡攬澄湖獨抱楚天月暉

光照九衢

同任山甫溪上望松蘿山得深字

看山溪上坐流水寫幽心一片松蘿色千行祇  
樹陰村春出谷遠野飯入雲深共得秋風載冷  
然試一尋

同程君履千秋潭上步月兼憶黃光祿

清緣經栗里雅入晉名流寒步雙溪月良逢五  
嶽秋楚天橫鴈字秦樹隱虛樓陶令今何在黃  
花憶獨愁

九日望天都峯

天都拔群秀，曉氣犯空蒼。龍卧軒轅駕，鑪窺太乙方。白雲邀興遠，黃菊賦歌長。陟欲摩青漢，西風思渺茫。

宿祥符寺

緣水行無極，烟蘿入寺深。衆峰晴聳翠，散木晝生陰。夜火山中市，寒泉月下琴。遙聞述茲勝，秋興獨相尋。

北谿詩為程君衡尊人賦

亢俗遯時名，新安水自清。谷中孤磬出，谿北小樓明。桑梓征徭斷，春秋齒髮生。君家泰山桂，兄弟若為爭。

其二

自可中林地，青山日著書。齋心無踐迹，清世有巢居。客禁當門鳳，隣歸出浦魚。天都半雲外，瑤色草堂虛。

新安卧病寄懷長干諸友

掩室毘耶病，秋風肅莫陰。懷人孤寺遠，聽雨一



更深黃葉燈前夢青藜物外心新安山水色何似卧東林

經嚴陵釣臺

亂山重沓起片席下斜陽古木秋千狀空臺雨半荒天涯遊夢遠川上逝波長獨憶先生釣西風一夜霜

宿靈隱寺

衆木挺寒秀靈峯勢欲飛海雲屯宿雨山殿冷斜暉路折錢塘去僧逢天竺歸一龕雙樹直隱

坐佛鐙微

泛舟過靈石閣

輕橈沉浮景水郭遍幽探落日神遊北西風鴈影南寒烟低岸柳暮雨澍江潭野宿秋光外孤鐘一草菴

同恩公過滁上趙太史邀遊醉翁亭瑯琊

寺時章葉二君自蘭谿至分得梅字因

字

握手忻同載因逢二仲才一杯滁上望千里興

中來木脫鳥棲至山環雲半開虛亭慨往事落日對寒梅

其二

共陟烟霞勝蒼茫曙色新青山帝子郭白法宰官身片石依危坐雙林閱淨因清流人自晉誰復似王珣

月下登豐樂亭

不盡白雲意空山耿夜清鳥飛潭上宿人在月中行絕壑窺丹火孤亭辨碣名談深遊子興無

復計歸情

送盛泰父遊燕

秋風孤夜起遊子意何之華髮忻逢日清言耿別時鷄鳴千樹曉雨色一鞭遲去國燕山下砧聲急莫思

集吳駕部署中同允兆恩公得音字

落日散秋砧微涼薄素襟空堦喧雀語高樹肅庭陰玉立青雲色歌飛白紵音片言留塵夕良宴極娛心

崔子王學博之任和平與恩公追送采石  
把手對江干天涯此別難夕陽雙樹斷秋色幾  
家殘砧杵時時急星河夜夜寒山川遍形勝不  
改故園看

坐峨眉亭

江濶峨眉面磯危片石開鳥懸雙目去月出萬  
波來古木悲秋壯寒風觸夜哀臨流思白也獨  
鶴下空臺

攝山坐雨同恩公義公姚使君分得五微

白石敞巖扉春風坐翠微林光千樹碧塔影一  
珠輝礪雨分泉響谿雲送鳥飛蕭梁虎穴寺踈  
磬有僧歸

題蕉蘭圖送從石遊楚

中懷執良意忍別負家山幽觸滄江外沉冥白  
雨間國香蘭可掬蕉夢鹿猶還莫作齊紈扇秋  
風落故顏

六月十三日齋頭風雨忽作賦此

厲風濟群籟聽雨忽生秋祇樹陰雲密空堂夏

日幽谿光觸流電人影抱虛舟自謂松門下棲  
遲據一丘

題淇園圖

一慕此君幽披圖竟子猷半亭交落日片月上  
新鈎淇澳涼如沐檀欒翠欲流獨遲蕭瑟意風  
雨夜聽秋

送王仲房

明發候寒更嚴霜苦夜清彌天行雁色斷岸大  
江聲白日心遙眷青山夢續盟用歸巖壑意樵

采舊藏名

同劉曰道曰王過鄧行卿書齋

亂壑擁階除風烟四壁疏高坐深向水喬木暗  
侵書鳥有相如賦虛無楊子居還將大小陸與  
爾載公車

同王養浩諸君集喬太學園亭得清字

薜蘿開小構建業舊詞盟綠樹孤亭合青天一  
鳥橫春歸無忌宅月出廣陵城頓入滄洲興居  
然山水清

吳駕部公擇過集竹下得六麻

齋心潔塵想雙樹宿金沙  
雨色侵檐重谿聲過竹斜  
青山頻索駕綠醕坐移花  
莫道貧無給香林薦熟麻

山中懷王悅之

寒空牽夕望落日眷游人  
白雪垂雙壁青雲致一身  
梅花溪上冷叢桂病中新  
邈爾河山色居然獨慘神

冬夜懷秀公

何方探勝討十載竟無音  
雪下三更夢天縣兩地心  
踈燈悲夜未殘臘卧寒深  
此夕孤游客邊風苦不禁

吳公擇同諸公見過得山字

總駕歲云莫空門更一還  
梅花橫礪雪鞍馬照谿山  
五字觀言外雙星對酒間  
搖搖白雲下鐘磬半林間

赤峴嶺送恩兄晉陵應講得十三覃

那知臨歲晏兄弟各悲含  
凍壑雲深路寒郊雪

覆潭一輪今日轉四諦爾時談建刹延陵夜天  
花雨法龕

玉林菴

去去衆山殊泉聲乍有無法雲延入座香飯出  
行厨逕逼雙峰合天垂一鳥孤回看石林外斜  
日在平蕪

石佛菴

寒殿縣空半山窓出樹低天迴平野外日落斷  
橋西白佛巖頭契尋僧谷口迷坐依盤石固歲

月一堪題

送信公省親豫章

執手上河梁間關爲別傷錫飛黃橘近身拂彩  
衣香返照波千頃歸雲雁一行匡廬望裡色風  
雨度危檣

送愚公省親楚中

街思雙親久高堂入夢賒楚山橫夏口漢水接  
長沙古驛晴飛雪空城寒自花北風吹片錫明  
日又天涯

送永公還薊門

欲別寧無繫西風柳色殘  
杯橫易水白雪照大梁  
寒蹤跡孤蓬轉扶搖  
獨鳥搏長城一萬里愁  
對莫雲看

經衲頭菴憶法秀禪師

踰嶺見巖阿尋僧一澗過  
星霜殘布衲歲月老  
藤蘿曉氣侵衣薄  
寒雲傍客多淹留竟忘意  
伐木聽樵歌

將游吳越恩公過宿瓦官寺爲別

良游懷獨往江海挂瓢時  
落日人漂泊秋風衣  
陸離孤鐘寒度雨  
清話夜忘疲山水經吳越  
唯探禹穴奇

再別社中諸友

無意着離愁馳心千里游  
青天江路未赤日海  
門流撿髮空遺歲  
懷人此夜秋復憐行息處不  
限白雲留

曉發

登途懷萬里一錫望秋烟  
落日長干道西風乙

西年頻伽空餉遠阿堵理應玄此夕孤城外禪  
心淡莫天

傳鐙菴訪般若大士

縣燈初結宇勝自爾相持斷壑聲交竹虛檐影  
挂枝山銜暮秋日鳥下夕陽時一匝拈花座熙  
怡示白椎

幽谷菴逢靜崕上座

與恩公有舊

片錫經何許諸緣不住心投歡人自舊送難語  
尤新月出虛南郭幡縣動北辰門當千箇竹誰

道白雲貧

送梅泰符還宣城

懷歸姑熟望落日敬亭心古木雲中斷空江月  
半沉乾坤一騎遠雨雪萬山深執手重爲別梅  
花照素襟

與恩公鏡公集張給諫水亭

行坐見琳琅清言彌日長鳥分花內外人集水  
中央亭樹垂芳合烟波近晚涼輕暉翳林木明  
月在滄浪



同吳虎臣汪行甫汪象先恩公舟行望大明寺

一櫂東關路風烟四野陰天垂日夜永江注古今深岸柳交平陸春畦帶遠林諸天遙在目雲磬下空音

木末亭逢李叔茂索贈妓女徐驚鴻

日晏逢君至虛亭靈籟生句空言外意色破鏡中情翠雨交深境青天落近楹挹將蘭芷佩幽潔照人清

與潘景升期會無門洞

無門禪師自鑿石像于洞中傳是中

峯和尚前身

歡逢初地日詎謂爾時因白法訓新句青松老故人背巘花夾雨寒草洞藏春變易如空月隨波現一身

其二

無門真練若一洞似懸壺答響傳空谷涵光叶鏡湖開山年自遠鑿石像同孤欲辨此中意冥然忽喪吾

月下逢沈祖暉

月華臨靜夜雅識沈休文求野仍無禮徵心劣  
有聞晴光漾重水素影薄微雲一片寒烟外燈  
燈遠近分

答吳翁晉

遍欲探諸勝憐余過水涯卽慙生滅見寧惑有  
無邪道率神猶足交真語不華東來海上色朝  
雨共輕霞

訪唐汙甫船居

夕景澄空霽微涼細雨頻曲調西子夜花惑武  
陵津泛月諸天淨看雲一水新居然浮大瓠飲  
啄縱天真

七言律詩

太行道中行乞投宿蕭寺

浮雲萬里一身孤處處秋山得自娛苦行誰憐  
黃面老機鋒何似赤鬚胡太行路逼清華鎮少  
室峰窺壁觀圖乞食歸來蕭寺晚寒烟踈雨樹

三株

贈天竺僧

不憚風沙九萬程  
觀方行化洛陽城  
杖頭梵字施銘在鉢底  
青蓮呪水生慧辨  
卽從禪定起律身  
不用羯磨成而今更屬西來意  
欲就跏趺問馬鳴

過龍司理署中夜坐莊嚴閣

欲叅知識漸南行  
樓閣莊嚴第一城  
法海昔稱童子願  
談經今擅宰官名  
佛燈含吐千華色  
帝網參差兩鏡明  
理析片言庭樹白  
寒深山郡月

初生

春日山中寄景升

林間曙拂淨含暉  
半落青山繞翠微  
千樹夕陽啼莫鳥  
一谿殘月掩寒扉  
應憐野曠逢春早  
猶憶清言與日違  
欲寄白雲天際色  
因君此夜發真機

同馮開之司成程仲權吳伯霖潘景升吳

太寧諸君泛湖

鬱翠團團繞四山  
半空湖水接雲還  
孤亭似落

波心上萬壑如飛篷牖間日暮斷橋仍泛泛鳥  
歸深樹亦關關浮雲得共扁舟載更藉風流一  
解顏

望寶所塔燈同沈桂舟分賦

塔涌芙蓉寶炬然星河燦燦共諸天蛟龍乍起  
真珠映風雨時驚舍利懸浮影半侵隄上水飛  
光遙隔望中烟湖山莫辨歸來夜香霧鈴音自  
一船

五言絕句

清涼山中夜行二首

策杖入清涼遍訪文殊室處處均提迎不是真  
消息

其二

境靜夜沉沉峰頭月一片清光照獨行冷露濕  
衣線

寄遊太華四首

春色思遊遠華陰路一千長安今夜月空照大

羅前

其二

太華入臥遊仙掌枕上色夢覺蘧蘧然適志猶自得

其三

言尋五嶽去執錫春風寒更望太華巔猶然生羽翰

其四

落日望秦川臨風思杳然何時千仞上高掌摩青天

五言排律

夏日歐楨伯馬從甫周公瑕枉集山居分得瑤字

巉巖深擇隱一室寄鷓鷯四壁環虛白孤雲抱寂寥披衣懷水滢岼憤對山椒翠篠滌煩燠殘霞明徹朝卽心緣曠劫空蘊共扶搖良晤名流集清言茗椀招幽然雙樹下觸目但瓊瑤

五ノ上集直二ノ長子

堯山藏草卷之一



國家圖書館. NATIONAL CENTRAL LIBRARY. TAIWAN, R.O.C.

道德頌序

金陵古佛地在晉名德尚清談每集  
講尾官寺輒理莊子一篇琅<sub>二</sub>金石聲  
堪作梵筵鼓吹自達摩西來不立文字  
而清譚漸廢其流韻至今猶存當嘉  
萬間三大師比肩長干而老莊盛行于  
世先是歷下婁東<sub>二</sub>洪中諸公皆以著

作顯競蒐奇獵豔於漆園而三大師  
獨標名理所稱雪浪思公矐鶴悅公  
湛懷義公是已三師同時同里同席  
同叅常歷嵩岱衡華峩眉終南天台  
五臺憩之於伏牛闢草萊籠木石艱  
阻同之而矐師尤厭世味耽禪寂一切  
講壇齋筵俱謝不赴獨居善提揚

同志結黃曲社深研道德五千言稍用  
羽翼十二大部歲乙未余從師襄陽出  
不道德頌二十餘首余釋頌而拈經義  
質難靡不鑿<sub>二</sub>玄解詩契新義然後  
展頌一詠如游縹緲間超於意象之表  
曰尋繹數四漸窺旨奧似深沈而出  
又似率易以成不入楷模不事雕飾欲



合欲離惟恍惟惚孔之繫易揚之草玄殆  
庶幾矣顧師勉終之後結制伏牛二夏  
而八十一章始成間以示人。宰諭者或  
比之風雅則已元或等諸許唱則已卑  
或擬阿難讚佛則似諛或擬郭象註  
莊則似誕皆非師意所安師亦隨有  
所感自詠自適斷章取義以附麗

經文如斯而已故無事於牽合支離視  
文人蹊徑若有避而無染者頌所獨致  
也潘之恒曰余嘗慨夫穆如衰而頌聲  
寢清譚降而奇豔滋道欲日損辭欲  
日廢孰能濁而徐清蓋自矚師譚理  
而南華始廢開頌而道德亦廢一廢而  
忘辭再廢而忘理故辭忘而後南華

存理忘而後道德存存者存而後廢  
者不廢忘情忘言乃至忘名忘義  
吾不知誰之子達摩密印付諸長干今  
以伏牛為龍淵矣矧師謂余知言且合  
頌本意命書于簡端

萬曆辛丑中伏日古巖啟佛子潘之恒謹課



九山藏草卷之二 伊閑集

黃曲釋僧悅著

烟霞虞漳興閱

古巖潘之恒校

頌 八十一首

道德頌

無名道之樸有名物之欲天地橫大壑靈吹傳  
空谷覽始妙常流撫化徼自足觀此玄玄門兩  
者而一出

其二

日出情竇鑿自古非恬然高與下相傾醜以貧  
爲賢遊心太上人有作誰與先功德諒不居奕  
世弗去焉

其三

有賢知不尚有貧心不貴憺兮獨若遺不使形  
物累腹實心致虛骨彊志若退是以爲無爲民  
利復百倍

其四

意愜體致虛物適情自好逸我天地間安往而  
非道淵乎萬物宗不善人所保試問此誰何是  
名象帝考

其五

洪鈞兆靈氣萬化呈丹青意此天地仁而我奚  
不醒多言苦數窮抱中守玄冥愈出而愈申緣  
督以爲經

其六

玄牝天地根大冶谷之神據梧奏長謠彷彿皇行

采真日月踐形邁山川盪埃塵拂拭一萬古綿  
綿似不勤

其七

有物不自生日月弛以張覆載兼九有羅列開  
八荒外者存其生生者遺其殃所以善攝人非  
私於道常

其八

水性無我所寄托在諸緣君子惡固安無取小  
人憐唯有抱樸子於道自賢賢七善列右銘天

下無尤焉

其九

把物不致滿去留無迤邐游刃不致揣良庖何  
期季憂患守金玉富貴驕矜憐一與天道俱進  
退身名全

其十

營營抱神一物物滋玄化天門開四達虛白生  
三舍恬憺太初遊雲螭共君駕

其十一

有有有爲利無無無爲用車室埏埴間孰作虛  
空中四維闢三光五體寐開動根此有無因寥  
兮大塊種

其十二

端坐念情好六塵安所施根色昧相形流逸悲  
苦之盲者見五色聾者隨聲馳非乎形骸中有  
此聾盲時

其十三

志士貴遠達自古無重憐胡爲患得失寵辱相

鈞連王以天下尊一臂豈肯捐至哉貴愛人寄  
託天下焉

其十四

有物兮混成左右兮逢迎視聽兮無形惚恍兮  
有精鳥眷兮嚶嚶伐木兮丁丁孰古御今有彊  
之而道名

其十五

善道者玄通深爲不可從日月兮照臨草木兮  
光容孰濁之徐清孰安之久生保此者不盈而

我獨無成

其十六

靈標萬化作芸芸復其根寓目遊無極守篤道  
非存命習涸愛源知常妄無門側足登天徒道  
乃居然尊

其十七

百姓日用間特知飢與寒能知飢寒者了了通  
玄關知之衆妙門知知禍之端貴我太上言斯  
言臭而蘭

其十八

攘臂而及禮矯世稱國賢孝子不諛親慈睦何  
出焉忠信薄之首仁義相爲捐培擊聖人知復  
與大道全

其十九

百僞生於智三尊起大盜墮體黜聰明民利復  
常道傷哉文不足屬自有美好把樸玩素姿亡  
名終可造

其二十

茫茫宇宙間去去人無數善惡自相攻唯阿一  
何互人之有所畏我獨寧無懼登臺望大荒熙  
怡散春步悶悶忽似晦寂若無所悟其如食母  
兒獨異於人慕

其二十一

道者德之容德者道之隆爲物不自有惚恍兮  
其中逍遙自得場至樂無終窮以此閱衆甫今  
古曰玄同

其二十二

有事曲則全於斯何不取有道直如絃安往而  
不祖窞者常受盈自敝能新古少則常得歸惑  
則在多與式以聖人爲抱一登天府誠全歸不  
虛聖言當及普

其二十三

蓬蓬南海風倏忽西山雨天地不終朝希言當  
及悟於道有自然德失同所孺信者今及之不  
信安所訴

其二十四

天地無常心故成萬物長跂者本不立跨者安  
行往矜伐果而功誠全無曲枉物故或惡之有  
道奚足上

其二十五

有物不自成先天地而生今古兮不殆寥落兮  
無形天地貴不居強爲之大名域中有四大爾  
獨居其兄

其二十六

微者易散輕者不寧靜元止暴躁固非君是以

君子載右載銘如何萬乘失以身輕天下大象  
重靜而生

其二十七

絕迹固云易無行地尤難滿及天下言瑕謫中  
外殫惟聖常善救於物無棄觀愛以不善資莖  
草貴如蘭

其二十八

知雄白榮守雌黑辱靜默常柔乃足乃復道連  
而德器出於樸大制不制是名爲谷



其二十九

無爲天下寶取必不可式神器國之祥爲者將  
傾仆物故或不齊因之隨行匄且以損過言去  
甚奢泰極

其三十

木彊則拱兵彊好還師之踵武草木焦然善果  
而已不敢取先佐人主者恬澹虛玄不道蚤已  
何謂歸全

其三十一

好育戰具是謂佳兵有國之祥不聞其聲君子  
左吉凶事右禎大軍所處喪禮相形悲哀垂涕  
有道不臨

其三十二

至精而無形至小而無名守樸將自化氣合其  
露生知止物自足奚云天下賓譬道於江海注  
焉而不盈

其三十三

分別一切智獨知之曰明欲人之不欲箴已之

難箴憂生於不足志貴乎力行萬古既不拔誰者為壽貞

其三十四

況今無不有奚屬於左右天下承誰力功成不自有一不容兮最小萬德歸焉至富是以聖人心於物常善護

其三十五

執道天下往焉往而不利過客猶止之相酬樂與餌道出淡乎言杳然絕聽視迎之既不逢須

史元不離

其三十六

玩世有真術好惡善不拔張固欲喻之先出必後納興廢自有時與奪相乖狹是事且微明於焉竟無察利器甚魚淵不可示人法

其三十七

無為道常無為無為常有天將萬物往侯王能據不芸芸兮欲作默默兮樸守隱几遊天虛嗒焉喪吾耦

其三十八

恬惓猶未始虛無爲之緣天物怒而流人事錯  
錯然五采亂文章六合生雲烟爲禮仍攘臂前  
識奚取焉

其三十九

有者物之極虛者用之紐不見數車徒除日歲  
無有天下侯王稱孤寡不穀偶碌碌落落人遊  
於羿之彀

其四十

馳柔道自堅感物滋玄始反故託自新流觀杳  
冥次有無旣寂然精粗莫能致遊心德之和命  
物斯來去

其四十一

昔與路旁柳俯仰悲行人徘徊有三士上中下  
相陳羹成旣在久希知乃愈親大象以虛往欲  
貸良無因

其四十二

冲漠道生二由一有有二則三三變之九乃盈盈

皆物陽抱陰負氣以爲和人之所守損兮益兮  
強梁自培將爲教父物莫不壽

其四十三

至虛無相兮虛空可擬至柔馳堅兮水莫之比  
牛刀之無厚兮彼節者有間况無有之有兮以  
游無間之間我無爲兮聲色靡靡天無爲兮萬  
象依依知無爲之益者其及希矣

其四十四

熠熠陌上塵飛飛盈我巾君子不故處所思終

夜新如何抱區區悠哉傷苦辛一機懸自解六  
用咸無因長揖謝世間擇日登天均

其四十五

天道有盈虛日月復虧昃大物不自滿小人多  
計克謙謙君子流高才若大拙是以清靜貞天  
下稱至德

其四十六

明良而國宴兮執走馬以耜無道而國亂兮見  
戎郊生子禍莫禍於好欲樂莫樂於無求故知

尹山 雍草 二 伊闕  
足無憂

其四十七

端居放情意掩戶四天下白日照虛筵青天入  
玄社臨牖見彌遙登途智尤寡無行無爲人於  
道常自馮

其四十八

學不徒資聞見今先黜聰明道不欲日無爲今  
元不絕俗故取天下常無事今恬惓爲上及其  
有以自伐兮於道不取

其四十九

風無我故力大火無我故緣大地無我能擎大  
水無我能卑下聖人無常心能應一切大慄慄  
渾焉憧憧從焉百姓注其耳目聖人皆孩其心  
其五十

泰初兆無始圓景肅靈慕窈窕撫去來徘徊辨  
同異勞生載大塊自死佚閒趣玄契五千言冥  
搜十三數善哉攝生人兵兇無所措

其五十一

物貴德畜之道生年自養薄俗亢時行登高放  
形往草虫鳴夜悲山月照虛曠萬物一係焉宰  
而不恃長

其五十二

衆雌無雄而奚卵焉有始有物子母勾連致虛  
無始守靜歸全三業不偶一道虛玄柔者勝敵  
强者失天如是之理萬古常然

其五十三

大道甚夷坦而民多矯迹使我介然行天下無

不足佩劍逞畏途資財厭食息惟施是德人於  
道何所適

其五十四

山不自長於澤可藏舟人摻舟有壑可投藏天  
於天於道固然善建善抱無迹可盜觀身觀國  
德真乃普何以知然天下以此

其五十五

聖人之用心不失其赤子塊然獨若遺悶焉不  
似已柔固精以和德含神自秘益生而氣強是

不明道爾

其五十六

非有道可言非有言可辨可辨者言行可言者  
德名絕聽無聲至理忘情和光混塵歛銳解紛  
麋鹿徘徊草木蓁蓁民命天放德一不黨至貴  
爵弁爲天下長

其五十七

至世有常性民德不可離仁義矯旣行利器終  
可施不獨盜其國弁以竊聖治仰彼太上人常

使民無知

其五十八

悶悶兮若不愉醇醇兮德不離察察兮其政施  
缺缺兮民日疑福兮禍兮倚伏無期似無正兮  
而復爲竒是以聖人不耀而渾之

其五十九

冥冥至極太上真息犯物徇生馳情謝益事神  
治人惟嗇是則無搖無勞乃克乃積國柢天根  
其深莫及

其六十

有帝之父有國之母在之宥之無莽無鹵若烹  
小鮮道其自然有鬼不靈雖淫不遷陰陽不毘  
至治歸焉

其六十一

巨海納衆流百川皆赴之大國取小國亦以善  
下之靜常以勝動壯固不勝雌天下以之交聖  
人必觀儀君子常受益傾心所欲思恒物吐大  
情以下爲宜

其六十二

我以物之質彼以物之奧嘉彼尊行人良牧善  
吾寶何必置三公姑射見四老眷言深貴之天  
下人所保

其六十三

虛空無爲萬象發揮人莫不食知味者希有無  
成代多少常違輕於大地重過毛飛然諾旣寡  
德怨終歸天下至理難易希微惟古聖人無非  
不非



其六十四

遊廣漠而無爲兮一物而未兆幻種種而不實  
兮猶空華而易散觀拱木生毫末兮起九層於  
累土去千里而行遠兮獨不觀之足下以聖人  
而無爲兮故終無敗事

其六十五

窈窈冥中玄肇物茲來始無智治非愚有明名  
自己善爲道之人清淨一楷式

其六十六

下者高之基賤者貴之根王侯稱不穀聖以言  
下人不探百谷源焉知江海濱欲爲天下長貴  
以後其言

其六十七

我大故不肖於道無可似天下有三寶持之何  
敢去能廣不爲先用慈以相衛

其六十八

俯仰人間事事好還載盈載謙惟聖惟天不爭  
之德萬古恒然善哉君子物無尤焉

其六十九

戰者有言勝無佳兵不敢為主良哀民生輕敵  
非謀攘臂無形靜重執先居然師貞

其七十

易知甚易行希識貴密鑒臨淵審鯢桓杜德察  
機辨心苗語自宗事宰親踈奠聖人懷玉行被  
褐竟爲眷

其七十一

靈知無不知知不知不病晴輪寒翳空薄素覽

微性一樞領化情群物施元命如是病病人所  
希在各正

其七十二

置志局四海寧狹其所向畏者畏大威生死何  
足况芳辰踐落英良知在息見一諾重千金貴  
愛有殊戀

其七十三

聞義不墮勇敢則活氣使曰達勇敢則殺利害  
雖兩一機所發聖人猶天應而不言善言善謀

孰知其然

其七十四

刑者治之末治者教之餘民不以死懼何爲而  
執屠太素體無分秋冬司殺如俯物與化遷代  
斲奚爲乎

其七十五

爲無爲自化取不取彌廣民不本常然好生多  
厚養處順精不搖脩然神獨往雖生無以爲是  
賢於太上

其七十六

天道柔成人道和生處上自弱居下自盈木拱  
見代兵強則傾是謂不道失我櫻寧

其七十七

理以物爲準物以理爲則一息寄蘊廬流光遡  
明月天道在張弓高下無巧拙聖人奉是心參  
差互相折

其七十八

上善莫逃水就卑隨處暇慕義則猶然情性能

自化攻堅強有餘浮天地無大受國垢之人於  
是有天下

其七十九

恬淡太上命闔闢質下情雜還寧厥初釋此劑  
和平處世執左券負我不責盟有無忘契傲懷  
抱生虛明

其八十

至世不愉民什伯將何以居不慕遠游食復同  
甘旨薜荔羹爲裳結繩喜無與相聞隣國聲樂

俗至老死

其八十一

信失以美成情真以華隱知不務博觀辨不近  
諛已天道猶橐籥聖言非樂餌利害不相爭虛  
無亘今古

堯山藏草卷之二

國家圖書館. NATIONAL CENTRAL LIBRARY. TAIWAN. R.O.C.



堯山藏草卷之三 伊闕集

黃曲釋僧悅著

琅溪程可中閱

古巖潘之恒選

五言古詩

招隱詩四首

嘉遯恣幽討杖策歸堯山黃曲抱庭際白雲生  
恣間潭影濯金波林光吐珠顏逍遙廣漠游相  
與偕清閑



其二

躑躅心自夷恬此欲安之秀木迴芳薄秋蘭媚  
幽姿雲構希千章貴足適一枝嚴霜凋飛榮良  
無百歲期

其三

天際有真人幽懷在深谷愴然物慮遺適此天  
下足冠蓋四方來珊珊曳鳴玉靜嘯月中聞山  
水發妙曲

其四

招要良不偶寄託有深緣高步陶遠右放神羲  
皇前空林倒夕景絕壁飛寒泉寂寂龍象居述  
志在虛玄

溪上望黃曲峰

幽意頗自適芳辰淨延躅倚杖閱溪頭悠然蕩  
情欲黃曲標勝緣雙峰明在目遠岫相向來近  
水猶依宿魚鳥親若人竹石踈而沐浮影淡不  
流凝翠晴堪掬天風吹白雲清光翳林木未足  
高逸懷臨淵抱竒獨

秋日山中寄懷諸子

黃曲峰之陽產彼青琅玕鳳鳥將來儀羞與黃  
雀譴黃雀翱翔間鳳鳥逝江干當須聖明日布  
意於雲端

其二

秋杪涼氣肅衆壑群木傾深嘉松栢姿勁節得  
其貞中夜撫盤桓靜叫來鶴鳴鶴鳴希何之索  
我遊帝京道遠力不任月冷志殊清登假凌倒  
景乘日馭風行一值列仙儔深茲丘壑情

秋日登絕壁越澗尋理公精舍一首

巖壁殊嘉麗况復秋夕清玄壑叩虛牝萬慮亦  
不嬰逞目覺形寂尋隱舉步輕側聽流水響反  
顧迴峰晴衆鳥相因依孤杖來逢迎言論寫高  
抱屑屑珠玉傾感茲繾綣懷何不媿吾生

宛中歲夜屬行

一榻鎖常坐六塵恬自貽抱寂心無言相名將  
安施奔濤絕冥壑萬頃汪汪陂不覺剎那生天  
地一念持華齡逼流歲仰比日月馳萬行庸詎



東山痛車 伊關  
軌執道道復離泥洹煩惱場靜鬧一揆之所以  
菩薩子通身匪窮思

題清華館兼訊何令升

白日倚長劍青天發孤嘯華館振芳馨璣珠屑  
微妙放情淮水間取適恒一釣君傲無爲人余  
亦可同調

其二

恬愉聞在宥止遽見玄素非彼至世樂是此勞  
者務達心境自閑達境心自悟明月濯濯空清

光滿庭樹

約諸社友月六日八關齋會詩

乘日偕精藍葵藿潔晨餐言訶三業非恬寂五  
內安約晤假良因結交相追歡松竹情甚好世  
路尤獨難長揖謝時流高步游法壇八關戒潛  
脩神帝將察觀爲道徹玄旨撒手三界寬猶憐  
豪俠兒意氣不可干一朝桃李榮風雨爲摧殘  
如何此形壽感慨同悲歎

鸚鵡寺贈鮑居士兼呈果公

無爲祈福始寧作禍之先達士鑑原末終身享  
康年泛應六度脩悉檀空三緣不問禰生傑應  
識居士賢漢挿大江來環帶鸚鵡前殿閣結霞  
綺梵唄合天仙舉復昔時彥羹彼天中全松日  
煥金容水月精珠連了了一敗衲度厄如頭然  
胡爲不均徃携手登九蓮

### 大別山阻雪

日邁歲云莫景物何淒殘凍雲結萬壑雪覆  
空寒我寧不獨徃敗衲衣尚單凍

廬戶不完飢鳥失巢林客子懷路端四海固我  
居巖壑終足權立善逼萬古矯世非可觀抱貞  
苦松幹高節操琅玕俯瞰漢江流仰彼大別歎  
不復念饑侶坐我禪悅食團促且輕過無比行  
路難

與景升遇郢中是夕喜李元暉劉兆隆過  
訪同步月吉祥寺

嚴霜踐晨起北風何慘色窮子苦寒征依依求  
一息良朋遲我權松下聊具食好風忽南來明

月從東陟况復四海俱諧樂于今極茫茫一字  
下誰復知恩力當盡此良時離會不可識

劉兆隆薜蘿館同景升賦

窮巷讀書地喬木隱簷楹明月發夜光蘿薜生  
珠璣有鳥戢其羽眷顧何嚶嚶千里一流眴萬  
德懷令名青天遠近開白日西南傾窓中小山  
桂天際露華英高調寧不彈衆響惜無聲安得  
同君操慷慨千載盟

蘭臺齋會同潘景升分賦酬黎順父

蘭臺欣會雅歲莫猶同載知希高遜人識默鑒  
流愛清攝滋玄脩澹漠噓靈嶺傷嗟四門遊祛  
拂五情礙邀逢月六期食我園中菜好鳥吟去  
來明珠朗中外寒空淒斷雲青天落平塞賞翫  
及今時良辰不可再

郢中逢立春邀景升和

佩道戒故觀乃在息慈年旣達任所恣交路珠  
輪前驅策簇英華傾蓋皆豪賢喧雜不諧偶恬  
惓寧固然郢雪曠春郊芳樹停夕烟民逸和新

聲揮袂何踰躑結託眷紛譁延首相追連風日  
靄重雲色相空諸禪慕物矜自雅懷歸賦無田  
且樂四海居歲歲登堯天

除夜示景升

一月促一日除日歲已夕感慨悲前途光景良  
可惜多見美少年凌霄振羽翮中爲黃雀懼比  
翼相乖逆努力當及辰容華莫虛擲願言展芬  
芳相向聊取適不重生前金徒爲身後碧玄機  
發一言衆習偕所釋

擬四真人降魏賢安壽壽周啓明太夫人

八十

春色映空來祥光乘八景壽鼓太霞章靈曜清  
虛境晨啓陽洛暄夜輪玄桂冷三芝燦玉英五  
嶽開金炳綵翠浮雲濤紫冥飛轡影道卽魏華  
存四真降玉嶺天書鶴背來一晤發深惺願以  
環中丹相延歲遐永

雪中同李君實潘景升崑公過巒雉園訓

呂吉甫

郢上多嘉林歸鳥知止託暎日發華榮迴風跡  
茵閣驅車狹路間猶憶宛與洛飛雪積素光瓊  
瑤散林薄山川世外界泉石階下壑白法爾時  
開清齋赴良約君自維摩居我亦文殊諾相參  
丈室中如是毘耶郭一鉢天際來香花何錯落  
願以善護持優哉遊極樂

冬夜讀李褶媿崇游詩

霄想託冥棲霜寒松竹枝餐微抱遐躅嘉運凌  
天池玉樹雪中見瑤臺何處施高詠月孤朗中

夜神不疲願言奮短翮欲共晨風儀崇遊御前  
綏永與青蓮期

與景升過夷白亭贈馮見之

結交敦宿好懽晤庸詎陳嘉運矜所圖寄託能  
無因眷此天下懷薄劣傷苦辛詩書徵昔賢良  
牧追同倫窮巷無遠轍迴駕多故人華景促輕  
蓋騰步絕飛輪雅道爾自持高義居然賓俯察  
階下草仰視梁上塵慶雲結綺窓祥風迴良隣  
所遇天地間橐籥寧曲申東園足桃李滿志當

茲辰願與結遐遊四岳逍遙春

弔汪司馬伯玉

高才發天縱挺慧佐宸明登假滌玄覽抱神乘  
日行撫景採真玩飛思超群英白拂天馬嘶青  
雲犯玉京委順非汝有天地總令名四海豪俠  
貴質矣無世盟空有天都想哀慟百感生寄此  
達冥右生死一交情

吊陳子冲墓

撫木仰高節清飈激雲端既云無質矣孤調絕  
其彈月照泉臺冷秋深地肺寒逝斯原上子萬  
古空自嘆

寄楊司隸十二韻

天德肇洪均四運惟茲夏應物無方傳指窮代  
盈謝芸芸復其根錯錯玩流化家世處道顯列  
貴著聲價願言拔公忠高摯弁駟駕受命大戒  
先飲冰固無暇中原采重寶奮棟慄天下西有  
徵葢史南有麴生學一飲五千言春風登太華  
榮觀猶宴如恬泊生虛舍見眷良不遺銜思竟

終夜何時獵山陽把臂登仙假

宛陽送吳用卿

振迹發奇况宛雒多嘉猷君子惜寸陰尺璧非  
可酬金石結交親骨肉豈等侔江河日夜馳天  
地古今浮丈夫局四海朔雪凝貂裘寒苦松栢  
姿千載懷殷憂

懷張助父中丞

思君水上樓琴瑟幾時撤荏苒猶漸凋容顏何  
頓減社運有衡言車行無合轍名德重九鼎木

華竟七哲戚我齒髮親感君生死切井桐寒墜  
陰城烏夜啼雪天上白榆滿階下黃泉竭如彼  
四王遊未與三界隔如彼張法雲朝往暮回說  
忍乖一晨意寧復知未別蔡上汝水東尋雲路  
千折一識去來因鍾情我輩絕

秋日山中寄懷義公二首

行行指堯山堯山望伊闕瞻星失參商誅苑感  
歲月趨促塗尚遙憂嘆夢無歇惜此清秋景良  
辰在離別

其二

絕眺東南隅日出念行路有鳥彼方來嚶嚶眷  
庭樹施翮似有託凌風出尺素示我竟無言默  
默將安訴

西湖留別同社諸君

念爾西方生我希青蓮師送逝武林遊春陰華  
尚滋眷彼太上情歡此臨一時昔與連枝親今  
爲參辰離清輝結素容明月濯所思萬木欣向  
榮衆鳥託有宜而我理歸棹乘乘將安之嘉會  
感令名淹留陳苦辭良辰旣不再末景恒提攜  
想願無量光唯可與等期

七言古詩

贈乾上人監寺短歌

有僧住世號一峯巋然秀出千樹松青蓮舌上  
萬相轉明月懷中一字空戒珠獨曜陀頭行法  
眼恒入那伽定手持八百顆顆圓此是如來親  
授命一莖草一衆生護持猶護眼中睛和尚不  
用生安養世世常爲覺有情



題芝石圖爲李石軒南陽壽

畫石有古意突出峴嶽勢秀挹紫芝芬獨抱滄  
洲趣昨日安期海上來風雲鬱鬱氣奇哉報道  
筵前芝石貢壽稱無量謫仙才

賦得長松篇爲壽

亭亭巖畔松鬱鬱抱幽石勢欲凌霄百二尺有  
時化作青天龍爲雲爲雨飛迅捷何師臘月  
下逢青青歲歲顏色同齊贈一杖於君壽  
今夜動秋風

芝石圖壽小山君侯八十

黃曲峰下一片石色歷風霜翠欲滴藤蘿鬱鬱  
烟雲深玉露泠泠紫芝濕根盤千古韞神真獨  
礼空山世不群爲壽君侯出林壑當日磻溪天  
下聞

五言律詩

同義公結冬崇善寺 唐王駕幸道場應

教二首

羽旆嚴行衛天儀逼四禪龍光廻玉輦鳳吹起

朱筵豫宛開風化歌唐紀世賢終南松栢翠積  
固表遐年

其二

虛寂應清塵珠林輦路新御香饒直歲佛日住  
長春殿徹朝霞舉鐘和梵語陳君王播遐德淮  
海鳳儀倫

谿橋坐月

風恬群籟寂山月吐華清石斷水聲咽橋連竹  
影橫幽深際玄漠野廓帶虛明露坐消煩夏微

涼谷口生

寄李褶媿

真人天際遠寒色渡江深欲寄山中信空持夢  
裏心亂峯晴挂雨孤磬冷疏林何日從高論香  
嚴竹可尋

同李褶羹比部李仲來孝廉李秋羽黃子  
順茂才集仙陀寺分韻得黃字

歡喜臨初地心交契法堂高才猶密義雅調似  
踈狂珠影分衣碧金波射酒黃夜深還聚首自

覺倚琳琅

同襲爨過無漏園有贈

爲園荒不剪差可寄閑身自攝無遮行同超有  
漏因柳搖三逕晚花逗一亭春老更驚人在新  
詩妙入神

寄何令升清華館

結託非懷隱臨筌意在魚寒窓晴吐白華月夜  
生虛鳥色連雲遠鐘聲間漏踈半山有蕭寺早  
晚叩禪餘

其二

吾兄惟莫逆交契古人同結屋依淮久葺書閣  
歲深海天橫片雨水月翳踈林自是風塵外清  
虛日與臨

白沙園留別張曹州兼憶郎君九華

松竹寄清脩居然名士流薜蘿三逕冷風雨一  
亭秋鳥色窺留意江聲帶別愁天涯知我在寧  
不念孤遊

與景升過郢中逢李君實暨長君元暉慨

然有作

浮雲江上色去任慘離情一鉢依僧次千山破  
雪行夜禪枯木短寒月片身輕珍重天涯遇寧  
無怨別生

同任郡丞俞讓倩吳用卿王叔治義公集  
崇善寺分得經字

給園追妙躅秋色淡空庭延賞稱良史參寥入  
紫冥曇花寒吐白竹葉暗流青不復逍遙論言  
從一經

林青玩世真堪隱逃名欲寄形一尊莫雲下留  
月醉中亭

道院喜張文仲至

暫從仙跡隱松下駐征鞍十日君王令千秋意  
氣看因知離別苦轉覺爾時歡未解燕塵色羅  
衣月上寒

大中丞助甫張公輓詞四首

不謂離生苦翻知樂有真亭昏星忽墮筆綵墨  
猶新護草空埋玉垂名未朽人擁毫黃曲上大

好一棲神

其二

幾日乘靈轡方生理化緣一燈懸赤壁孤抱棟  
青天哀壑尋聲斷悲風吊影遷歸徠名下士揮  
塵一潛然

其三

逆旅寧堪忍因駟出火車交情付水月極目了  
空華脫穎光逾淨標形影詎斜風嚼谿上雨招  
魄向天涯

其四

化理生機破歲舟壑未移九蓮標寂想孤月領  
清思孰類中郎貌堪銘外史辭粼粼汶上水何  
日返流澌

奉荅楊司隸見過山中用來韻

刈草初開社唯君暫惠臨一溪經至險千樹歷  
窮深水石依禪坐山花對夕吟超超玄自許余  
亦媿支林

其二

嚴車忻忽枉幽路旁花行身世遺軒冕空門訪  
宿名竹風茅屋冷松月鏡潭清一憩皈依地冷  
然感豫情

七言律詩

酬朗公見過山中兼訊留意

雨歇空山向暮晴浮雲忽過客衣輕松頭片月  
低幡影門外新流隔樹聲爲道不慚孤褐敝忘  
形何繫一漚生應憐此地堪相傍莫作天涯瓢  
笠行

春日寄何令升

梅花谿上見寒松遙憶君家桂樹叢曙色乍開  
伊闕下春光猶在宛陽東高吟無那多逢雨短  
翮何由得御風歲月依稀黃曲老獨留青鏡照  
虛空

過潛龍嶠登巖經閣懷法光禪師

菌閣凌霄玉露寒千峰秀色擁闌干經聲半徹  
桓因殿鏡像全含法界觀龍在九淵潭自冷僧  
和一衆地稱懽秋風更憶拈花處唯有庭前栢

山齋  
伊  
樹殘

中秋對月留別書公順公

去年此日故園逢  
今夕寧期二朗同  
俯仰自慚勞大塊  
行戲何復遁虛空  
秋光寂寞諸方外  
夜色寒暄一坐中  
欲向松門留偈別  
谿山相對月朦朧

荅胡無我見寄山中次來韻

緣谿種竹遯初肥  
月色寒生薜荔衣  
黃鳥雨中啼不去  
青山門外日相依  
聲連梵唄諸天近  
行

與清言一歲違  
名士竹林同七子  
惟君寄我到巖扉

送尚明府調內鄉

臨邑雞鳴曙色暉  
前旌高擁白雲飛  
人從野外歌深澤  
馬立花間語暫違  
攬轡閒猶過仲舉  
留牀清不減胡威  
天行未隔由旬五  
涼沐時時在翠微

過順陽訪李褶媿居士於六如園

爲訪青蓮一杖藜  
雲中樹色見幽棲  
禪那自是

三乘定襄野終非七聖迷谷口丹江懷象帝松  
頭明月問招提惟君無厭人天界坐進如如佛  
可齊

秋日寄馮子禹菜香菴

不用馮驩幸舍魚爲園自謂有餘蔬清齋坐入  
三摩定白法流觀五陰虛欄楯香雲垂寶蓋關  
門華月吐芙蓉新秋欲寄龐家信風雨蕭蕭遠  
莫如

郢中別傅居士還武昌

於事無心老更閑携家欲傍鹿門山尊生已過  
全牛見爲法遙持半偈還落日帆檣分漢口晴  
川雪樹擁江關應知到日逢春至竹几蒲團水  
石間

秋日送吳仲禮遊太和山

季子翩翩賦獨遊西風匹騎萬山秋望中紅樹  
夕陽斷松下寒泉碧玉流巖洞玄冥逢聶許瓊  
屐鱗次歷丹丘高懷極視三天上大壑茫茫寄

一漚



唐藩送汪元伯博士奉使還朝

青雲翠蓋促輕塵  
馬上看山二月春  
雨色一鞭花外曉  
鷄鳴千樹隴頭新  
權成不擬梁中使  
怨別空貽休上人  
獨有夜來松際月  
清光猶照宛城闌

弔孔炎宗侯

月照樓臺玉樹殘  
啼烏夜夜獨含酸  
竟歸大夢星初殞  
名在中原骨未寒  
掩淚不堪秦失弔  
絃已絕廣陵彈  
今將半偈留君墓  
莫作死灰

劍看

弔楊立夫長相

青天大夢欲何言  
彭短殤脩悟漆園  
漚滅漚生豈無累  
人歌人哭道猶存  
黃金未就千秋計  
白骨空歸萬里魂  
孤嘯一聲腸斷淚  
莫將銜恨負君恩

宛中逢楊庚父詩以招之

因君才賦舊知名  
此日相逢氣槩傾  
雅道自投言外意  
丰儀豈作世中情  
花遺晚照春初暮  
月

吐新煙雨乍晴早晚欲期書劍過青山好共學  
無生

丁酉仲夏道院留別宛城諸子

入門松逕絕囂紛鷄犬雲中隔樹聞路上炎蒸  
人欲死天涯兄弟况離群青山自與道心合白  
足由來世界分兩地月明今夜色時時猶共挹  
清芬

汝南道中寄別陳思俞運使劉士揚明府

二君俱  
病詰之

陌上黃花照別愁孤城寒日半肩秋雲中鳥色  
親人下天際霞光帶水流病幻有因悲世苦蓮  
芳無染託清脩西風更憶毘耶會欲寄維摩不

二訓

行乞汝南道中阻雨得何令升下第手書

却寄

不作閑遊山水人靜然唯與道相親風風雨雨  
憐孤息色色形形苦役神寒鴈一聲天上語浮  
雲千里夢中身因君欲問人間世橐籥而今有

曲申

雲杜早發追從潘景升度歲

疎林寒色映朝暎萬疊蒼山繞郭門谷口梅花  
晴帶雪望中烟樹冷孤村歸與舊壑懷僧次叢  
爾新盟仗友存景物依依除日近不知何地共  
黃昏

冬日訪余明復民部苦寒中道阻歸

一鉢空於香國違天華不墜雪霏霏鳥棲木葉  
西風下人載冰霜北面歸孤興欲乘幽夢斷高

懷猶與白雲飛更憐此夜山陰道月色鐘聲出  
翠微

寄鄧太守南陽

木食蠟棲歲有餘慙懃吾欲問登車庚桑不釋  
猶龍道仲舉仍賢孺子閭大綠初肥秋色老高  
明獨照夜光虛南山雨足穰無急翠竹寒松寄  
所如

贈智光睿公任持唐蕃崇善寺

鐘磬泠泠雨露沈遠公持法任東林紫衣繡出

宮中色白塵談揮御下音松竹涵虛清畫冷煙  
花園翠鬱春陰應知此日君恩重不似祇陀舊  
布金

同楊司隸黃山人雨中登雲巖寺得雲字  
采勝因追昔所聞青山把臂喜同君林間石出  
頻疑市嶺上猿啼忽作群絕壁倒懸千樹雨奔  
流直下一溪雲龍池更欲攀幽上嶠草囀花日  
已曛

七言絕句

栽桃柳偶成九絕寄叡公

滿栽桃柳布春光雨氣浮雲護草堂欲折一枝  
遙寄汝恐疑顏色不如常

其二

不學黃梅老種松桃華猶惜一時穠偶移春色  
青蒼下咲殺磐陀石上容

其三

人家不似舊門閭桃柳青紅色有餘欲問山中  
十年計春風唯伴一床書

其四

灌木還同抱甕人不將機事亂吾真雲中一色  
桃源路風景依稀似避秦

其五

風和日暖仲春初花氣融融柳色敷指點谿邊  
幽事足白雲芳草一峯孤

其六

一枝一葉柳如煙妬殺桃花色可憐正是春光  
好時節無人問字到門前

其七

懷人猶向幾時還種樹栽花滿舊山今夜無端  
經洛水東風吹夢到雲間

其八

栽花人自道場來漫說菩提樹樹開不藉春風  
堪結子光明別有一靈胎

其九

門前樹色近千株一片春山入畫圖幽事催人  
常早起看花隨處是仙都

懷古二首

著草叢生八卦開，白龜取象自誰來。  
秋風獨憶羲農氏，空有黃花照古臺。

其二

清秋何負碧雲期，上蔡東門憶李斯。  
獨向夕陽十載墓，西風黃葉使人悲。

與楊司隸黃山人室中坐談聽雨

總轡名山且暫留，焚香一室話清脩。  
齋心靜對寒松色，一片濤聲入坐秋。

其二

鈎簾雨色翳朝昏，相對忘言道自存。  
坐久不知山更寂，一聲幽鳥過柴門。

古辭

弔理公辭

澤有幽蘭兮發華，滋香露垂垂兮當及時。  
將欲采兮遺所思，飄風忽墮兮摧其姿。  
傷物之不我待兮，理固如斯。結中腸而泣涕兮，當告誰仰。  
青天以長嘆兮，君鑒此辭。

謠

牛山謠

君不見出家兒頑且痴操刃麾戈甚不宜爲要  
脩行出塵世柰何驅之事鼓鑿泣二親痛割愛  
剃髮染衣掛鉢袋四山五嶽已經游唯有伏牛  
當一代開火場置鑪鞴鍊磨真是脩行地鉗鎚  
之下忽洞然一丘一壑衣餘年糠粃草服唯骨  
立此輩能參軍武前或一室或大厦焚香禮誦  
助國化昔日如來委護持梵王帝釋諸天下

青山淺紅埃深隱遁之人拭淚吟嗟末法惡時  
世誰知教法于今替不得菩薩來發心何由寢  
息於斯弊

菩薩悲願救度一切世或以爲空談試觀癯  
鶴師居伏牛山目擊僧兵流毒無盡慷慨長  
謠聞諸當道乃下議立革猶將百世賴其庇  
則師所密庇牛山外暨閩浮又不特一僧兵  
已也仁言利溥况菩薩神呪功德可誣哉于  
時當道爲前開府韞菴吳公今直指怡所王

公俱新都人豈非發菩薩心者耶勘錄至此  
遂弁紀之辛丑末伏日豐干潘之恒跋

堯山藏草卷之三